



Melele ko Rejimwe kin Wā in Kakajur ko ñan ro 16+ Aer Yiō

Obij eo ej bōk eddon kejbarok im bōbrae jen nañinmij (Centers for Disease Control and Prevention, CDC) rej rōjañ bwe jabdewōt armij eo 16 an yiō im rūttolok ren bōke juon wā in kakajur ñan COVID-19.

Ilo Nobomba 29, 2021, CDC ear bar kakajur rōjañ eo an kin wā in kakajur ko. Ej kiō rōjañ an aoleb ro 16 aer yiō im rūttolok bōke juon wā in kakajur ilo ien remaron tōbrak: jiljino allon alikin aer bōke wā eo kein karuo an Pfizer ak Moderna, ak ruo allon alikin aer bōke wā eo an Johnson & Johnson. Mennin ekoba armij ro emojno an enbwinnier maron bōbrae jen nañinmij im remaron kar bōke wā eo kein kajilu an Pfizer ak Moderna. Armij ro 16–17 aer yiō remaron wōt tōbrak in bōke wā eo an Pfizer.

Jekdoñ armij ro edik uwōta kin aer bōk nañinmij kauwōtata jen COVID-19 rej aikuj bōk juon wā in kakajur ñan kejbarok er make im ro jet.

Juon wā in kakajur enaj bar kōmmene antibody ko rej kakajur an enbwin maron manne kij eo im juon keij eo ejeja an walok. Jekdoñ kwōj bed ilo uwōta eo elab, kwōmaron nañinmij im lelok ñan ro jet, einwōt ajiri ro elab aer dik im jab maron wā, lillab im lollab ro, ak armij ro emojno an enbwinnier maron bōbrae jen nañinmij.

Wā in kakajur ko rej jibañ an armij kejbarok an kajur aer maron bōbrae jen nañinmij iomwin ien aitoklok.

Wā ko jinoin rej komman an kajur lok jikin bōbrae eo an enbwin ñan kōmmene antibody ko rej aikuj ñan manne nañinmij eo. Iomwin ien, enaj mōjno an jikin bōbrae eo an enbwin kōmadmōd. Juon wā in kakajur ej jinoe madmōd eo kein kajuon im ekkā an jemlok ilo joñan antibody ko relablok im rej jibañ an armij kejbarok an aitōklok aer maron bōbrae jen nañinmij.

Wā in kakajur rej bōk ruo wiik ñan an enbwin maron bōbrae jen nañinmij.

Rej woñmaanlok in katak kin mennin, bōtab jemaron ba ke ej bōk ruo wiik ñan an enbwin maron bōbrae ak emmonlok alikin wā ko jinoin.

Alikin am bōke juon wā in kakajur, rej aikuj lale kwe iomwin 15-30 minit.

Einwōt wā ko kwar bōk jinointata, rej aikuj lale armij ñe enaj kaju walok abnōnō ko ibbeir iomwin 15-30 minit alikin aer wā.

Elab an loñ wā in kakajur ko, bōtab kwōmaron naj aikuj kōttar.

Elab an loñ wā in kakajur ko ilo jikin wia wuno ko, obj ko an taktō, im jikin taktō ko, einwōt an wōr wā eo an COVID-19 rainnin. Kōjberbal [mab in kabōk](#) jikin eo ej lewaj wā iturim ñe ejab kūrlok 211 ak 866-698-6155 ñan melele im jibañ ilo jabdewōt kajin. Kein kamool maron tōbrak ejab mennin aikuj, bōtab jet taktō ak jikin ko rej lewaj wā remaron kajitōk kein kamool ilo jeje. Jouj im kijenmij. Ro rej lelok wā elab aer jberbal ñan kōtōbrak aikuj ko, einwōt aer kar kōmmane ilo aoleben ien jorrāān eo elab im ear jelōte aoleben lal in.

Armij ro 15 aer yiō im rūttolok remaron lelok kōmelim ñan wā.

Iomwin kakien eo an Oregon, ajiri ro 15 aer yiō im rūttolok remaron lelok kōmelim ko aer ñan bōk kōmadmōdin taktō, ekoba wā ko, im juon taktō, taktō in rijibañ, taktō ko rejeb lelok uno, nōōj practitioner, taktō in ni ak taktō in māj, ak ro jet rej kōmadmōd iomwin laijen ko an rijberbal in ejmour rein, im ejellok kōmelim jen jinen, jemen, ak rikejbarok.

Emaron walok abnōnō ko kin myocarditis im pericarditis im elukkun jeja aer walok alikin wā ñan jet armij.

Myocarditis ej ebbōj ilo majel in menono. Pericarditis ej ebbōj ilo jikin eo tōrerein menono eo. Nañinmij kein jimor emōj kōjella kaki ibben jet rinañinmij ro alikin aer bōke wā in COVID-19 mRNA eo (Moderna ak Pfizer). Elablok an keij ko kar walok ibben likao ro 12–39 aer yiō jen ibben kora ak emmaan ro rerūttolok. Rikatak ro an wūno im kōmadmōdin taktō ilo obj eo ej bōk eddon keijbarok im bōbrae jen nañinmij (CDC) emōj aer katak kin keij kein im loe ke uwōta eo ñan nañinmij kauwōtata jen COVID-19 elablok im lablok an kauwōtata jen uwōta in bōke juon ian nañinmij in menono kein alikin wā. Myocarditis im pericarditis elablok aer walok jen juon nañinmij in COVID-19 jen an walok jen wā.

Wā in kakajur ko rej letōk keijbarok, ejejjet aer jberbal, im ejellok wonneir.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Bōk Melele kin COVID-19 ilo 1-971-673-2411, 711 TTY ak COVID19.LanguageAccess@dhsosha.state.or.us.